

### Beth yw Arholiadau Ysgoloriaeth a Gwobrau Teilyngdod Prifysgol Aberystwyth?

Mae Arholiadau Ysgoloriaeth a Gwobrau Teilyngdod Prifysgol Aberystwyth yn arholiadau ar-lein gwbl ddewisol sy'n rhoi cyfle i'n hymgeiswyr israddedig sicrhau dyfarniad ariannol a/neu gynnig diamod.

Mae gofyn i ymgeiswyr wneud cais ar-lein i sefyll dau arholiad sy'n para am 1.5 awr yr un (y dyddiad cau ar gyfer ceisiadau yw 31 Ionawr 2025). Gyda'ch caniatâd, cynhelir yr arholiadau mewn ysgolion / colegau ddydd **Gwener 7 Chwefror 2025**. Gofynnir i ymgeiswyr gael caniatâd eu swyddog arholiadau cyn iddynt wneud cais ac mae'n ofynnol iddynt ddarparu manylion cyswllt eu Swyddog Arholiadau (enw a chyfeiriad e-bost) ar eu cais.

Fel arfer caiff arholiadau eu cwblhau ar gyfrifiadur ysgol/coleg gan ddefnyddio Microsoft Word, a'u cyflwyno'n electronig i amgylchedd dysgu rhithwir y Brifysgol, Blackboard. Ceir rhagor o fanylion yn y ddogfen hon.

### Amserlen

Rydym yn hyblyg o ran amseroedd cychwyn arholiadau, cyn belled â bod y ddau arholiad yn cael eu sefyll ar y diwrnod penodedig. Yn anffodus, ni allwn newid dyddiad yr arholiad. Rydym wedi gofyn i ymgeiswyr gysylltu â Swyddogion Arholiadau mewn da bryd fel eu bod yn gwybod ble ac ar ba adegau y bydd eu harholiadau yn cael eu cynnal.

Isod mae *esiampl* o amserlen ar gyfer arholiadau mewn ysgolion/colegau allai fod yn ddefnyddiol i chi, fodd bynnag gallwch osod eich amseroedd cychwyn arholiadau eich hun yn seiliedig ar amgylchiadau penodol eich ysgol / coleg.

10:30 – 12:00	Arholiad 1
12:00 – 13:00	Egwyl Cinio
13:15 – 14:45	Arholiad 2

### Cyn diwrnod yr arholiadau

Gwnewch yn siŵr bod ymgeiswyr yn ymwybodol o leoliad ac amseroedd dechrau eu harholiadau, eu bod wedi actifadu eu cyfrif Prifysgol Aberystwyth, (bydd ymgeiswyr yn derbyn y manylion drwy ebost wedi'r dyddiad cau) ac wedi ymgyfarwyddo â'r broses arholiadau (gweler 'Gwybodaeth i Ymgeiswyr' isod).

### Trefn yr arholiadau

Yn ystod wythnos yr arholiadau, bydd Swyddogion Arholiadau yn derbyn:

1. Rhestr o ymgeiswyr, gyda'u pynciau arholiad a manylion unrhyw ofynion arbennig ar gyfer arholiadau maen nhw wedi eu nodi
2. Manylion mewngofnodi i gael mynediad i'r papurau arholiad ar y tudalen [Papurau Arholiad](#)

Ar ddiwrnod yr arholiadau, dylid darparu copi printiedig o'r papur arholiad perthnasol i bob ymgeisydd ar ddechrau pob sesiwn arholiad. Gellir rhoi papur llinell i ymgeiswyr os ydynt yn dymuno gwneud nodiadau ychwanegol.

Mae gan ymgeiswyr 1.5 awr (ynghyd ag unrhyw amser ychwanegol y mae ganddynt hawl iddo – gweler ein [Polisi ar wneud addasiadau rhesymol ar gyfer ymgeiswyr](#)) i gwblhau pob arholiad.

## Cofrestr

Byddem yn ddiolchgar pe gallai Swyddogion Arholiadau gadw cofrestr presenoldeb ar ddiwrnod yr arholiadau. Bydd canllawiau pellach ar hyn yn cael eu dosbarthu yn ystod wythnos yr arholiadau.

## Safio papurau arholiad

Dylid cwblhau pob arholiad mewn dogfen Word (gweler '[Gofynion pwnc-benodol](#)' isod ar gyfer eithriadau). Dylid safio papurau fel: Cyfenw\_Enw Cyntaf\_Pwnc.

## Cyflwyno papurau arholiad

Ar ôl i'r arholiad gael ei gwblhau, gall ymgeiswyr gael mynediad i'r we a chyflwyno eu papur drwy Blackboard – bydd dolen gyflwyno yn cael ei rhannu ag ymgeiswyr cyn dyddiad yr arholiad.

**Sicrhewch fod ymgeiswyr ond yn cael mynediad i'r we ar ôl i'r arholiad gael ei gwblhau a pan fyddant yn barod i gyflwyno eu papurau.**

Ar gyfer papurau ysgrifenedig neu os oes angen atodi unrhyw dudalennau papur ychwanegol, sganiwch y ddogfen a'i danfon at [ysgoloriaethau@aber.ac.uk](mailto:ysgoloriaethau@aber.ac.uk)

Os ydych chi'n cael anawsterau gyda phorth Blackboard, cadwch gopi o'r papur arholiad gorffenedig ar USB a'i anfon i [ysgoloriaethau@aber.ac.uk](mailto:ysgoloriaethau@aber.ac.uk).

## Eithriadau

### Mathemateg a Mathemateg Bellach

Bydd arholiadau Mathemateg a Mathemateg Bellach yn cael eu cwblhau ar bapur llinell, yn hytrach nag ar gyfrifiadur. Rhwng bapur llinell A4 i ymgeiswyr i gwblhau'r papur. Darperir tablau ystadegol ar yr arholiadau Mathemateg ar dudalen we lawrlwytho papurau arholiad.

Bydd gofyn i ymgeiswyr sy'n sefyll yr arholiadau Mathemateg a Mathemateg Bellach gyflwyno eu papurau i 'Blackboard Assignments' a bydd canllawiau pellach yn cael eu hanfon at ymgeiswyr a swyddogion arholiadau cyn yr arholiadau.

### Ffiseg

Ni fydd yn ofynnol i ymgeiswyr Ffiseg blotio graffiau na thynnu lluniau yn ystod yr arholiad, golyga hyn fod modd iddynt gwblhau'r arholiad ar Microsoft Word. Fodd bynnag, oherwydd natur gymhleth yr atebion ysgrifenedig rydym yn hapus i ymgeiswyr gwblhau eu harholiad ar bapur llinell os y dymunant, bydd gofyn i chi sganio rhain a'i danfon at [ysgoloriaethau@aber.ac.uk](mailto:ysgoloriaethau@aber.ac.uk).

## Goruchwyllo

Mae'n rhaid i ymgeiswyr gael eu goruchwyllo gan aelod o staff o dan amodau arholiad arferol. Nid oes angen goruchwyllo ymgeiswyr yn ystod yr egwyl rhwng y sesiynau arholiad.

## Anghenion ychwanegol ac anghenion arbennig

Mae gan ymgeiswyr hawl i'r un ystyriaethau y maen nhw'n eu derbyn ar gyfer arholiadau ysgol arferol ac mae ein [polisi ar addasiadau rhesymol](#) ar gael ar ein gwefan. Pan fydd ymgeiswyr wedi ein hysbysu o unrhyw ofynion, rhestrir y rhain wrth ymyl eu henw yn y rhestr bresenoldeb bydd Swyddogion Arholiadau yn eu derbyn. Gofynnwn i Swyddogion Arholiadau e-bostio [ysgoloriaethau@aber.ac.uk](mailto:ysgoloriaethau@aber.ac.uk) i gadarnhau'r ystyriaethau arbennig y mae gan ymgeiswyr yr hawl i'w derbyn.

Os oes unrhyw faterion yn codi ble mae angen i arholwyr Prifysgol Aberystwyth fod yn ymwybodol ohonynt (e.e digwyddiad sy'n tarfu ar arholiadau neu salwch) anfonwch e-bost at [ysgoloriaethau@aber.ac.uk](mailto:ysgoloriaethau@aber.ac.uk) a byddwn yn sicrhau bod yr Arholwyr perthnasol yn cael gwybod.

## Gofynion pwnc-penodol

Ni chaniateir i ymgeiswyr gymryd ffonau symudol, oriawr 'smart' nac unrhyw ddyfeisiau digidol tebyg i'r arholiadau. Oni nodir yn wahanol isod, ni ellir defnyddio unrhyw destunau, geiriaduron, atlasau neu ddogfennau neu offer eraill. Bydd yr ymgeiswyr yn sefyll dau bapur arholiad, oni bai eu bod yn cyflwyno portffolio o waith celf neu ffotograffiaeth yn lle un o'r papurau arholiad.

**Cyfrifianellau** - caniateir defnyddio cyfrifianellau an-raglenadwy (ar yr amod eu bod yn ddistaw, hunan-bweru, heb gyfleusterau cyfathrebu, ac yn gallu dal testun neu ddeunydd arall y gellid ei ddefnyddio i gael mantais annheg) **ar gyfer: Cyfrifeg a Chyllid, Busnes a Rheoli, Cemeg, Economeg, Mathemateg a Ffiseg**. Dylai ymgeiswyr ddarparu eu cyfrifiannell eu hunain.

- [Portffolio Celfyddyd Gain](#) a [Portffolio Ffotograffiaeth](#) – rhaid i ymgeiswyr sydd wedi dewis cyflwyno Portffolio Celfyddyd Gain neu Ffotograffiaeth drefnu i gyflwyno eu portffolio ar, neu cyn, dyddiad yr arholiadau. Ceir rhagor o wybodaeth ar gyfer yr ymgeiswyr hyn ar ein tudalen we [Trosolwg Pwnc](#).
- **Cemeg** – darperir tabl cyfnodol fel rhan o'r papur arholiad.
- **Mathemateg a Mathemateg Bellach** - gall ymgeiswyr sefyll i mewn i'r archwiliad unrhyw 'Lyfrynnau Gwybodaeth' a gymeradwywyd gan eu bwrdd arholi i'w defnyddio mewn arholiadau, fodd bynnag, darperir [Tablau Ystadegol](#) sydd yn cynnwys yr holl wybodaeth sydd ei hangen.
- **Ffiseg** – bydd yr holl wybodaeth berthnasol yn cael ei chynnwys o fewn y papur, ond gall ymgeiswyr gymryd i mewn i'r ystafell arholi unrhyw 'Lyfrynnau Gwybodaeth' a ganiateir gan eu Byrddau Arholi i'w defnyddio yn yr arholiadau hynny os dymunant.

## Gwybodaeth ar gyfer ymgeiswyr

Mae copi o'r [Canllawiau ar gyfer Ymgeiswyr](#) i'w gweld ar ein gwefan. Byddant hefyd yn derbyn e-bost sy'n ei hatgoffa o'r pynciau y maent wedi dewis eistedd er mwyn iddynt sicrhau bod ein cofnodion yn gywir a'n hysbysu am unrhyw newidiadau munud olaf. Rydym hefyd yn cynghori ymgeiswyr i wyllo fideo byr **cyn** diwrnod yr arholiadau er mwyn ymglyfarwyddo â sut i gyflwyno papurau arholiad wedi'u cwblhau.

Byd ymgeiswyr yn derbyn ebost gennym ar ol y dyddiad cau (31 Ionawr) a fydd yn cynnwys cyfarwyddiadau ar sut i actifadu ei cyfrif Prifysgol Aberystwyth. **Sicrhewch fod ymgeiswyr wedi cwblhau hyn cyn yr arholiadau fel bod modd iddynt fewngofnodi i'n hamgylchedd dysgu rhithwir a chyflwyno eu papurau arholiad gorffenedig.** Os yw ymgeiswyr yn anghofio eu manylion mewngofnodi gallant e-bostio [ysgoloriaethau@aber.ac.uk](mailto:ysgoloriaethau@aber.ac.uk) i gael ailosod ei cyfrinair. Sylwch y gall gymryd hyd at awr i'r newid hwn gael effaith.

## Gofynion TG

1. Mae cyfrifiadur/gliniadur ysgol/coleg gyda Microsoft Word (neu becyn prosesu geiriau tebyg) wedi'i osod (os yn bosibl, galluogwch [autosave](#)). Nid oes angen analluogi *spellcheck* ond gofynnw i chi sicrhau nad yw'r ymgeiswyr yn mynd ar y rhyngwrwyd na pheccynnau meddalwedd eraill yn ystod yr arholiad.
2. Cysylltiad rhyngwrwyd sefydlog ac un ai porwr gwe Chrome, Firefox neu Edge er mwyn cyflwyno'r papurau arholiad ar ôl eu cwblhau.

3. Gofynnwch i'ch Tîm Cymorth TG i sicrhau bod y gosodiadau Firewall yn caniatáu i ymgeiswyr gael mynediad i [Blackboard](#).

### Canlyniadau

Byddwn yn cysylltu â'r holl ymgeiswyr a Swyddogion Arholiadau 4-6 wythnos o'r arholiadau a gynhelir i roi gwybod iddynt a ydynt wedi bod yn llwyddiannus, neu'n aflwyddiannus yn eu hymgais i sicrhau Ysgoloriaeth Prifysgol, Gwobr Teilyngdod, a/neu Gynnig Diamod yn seiliedig ar eu perfformiad yn yr arholiadau.

### Cwestiynau cyffredin

Gweler hefyd y [gwefan](#).

#### **Beth os nad ydyn ni'n gallu darparu cyfrifiadur ar gyfer yr arholiadau?**

Rhowch bapur llinell A4 i ymgeiswyr. Ar ôl i'r arholiad orffen, sganiwch y ddogfen a'i danfon i [ysgoloriaethau@aber.ac.uk](mailto:ysgoloriaethau@aber.ac.uk).

#### **Beth ddylwn i ei wneud os na all ymgeisydd gael mynediad i Blackboard, neu gyflwyno eu papur arholiad gan ddefnyddio pwynt cyflwyno Turnitin yn Blackboard?**

1. Gwiriwch y cyfeiriad ar y we: <https://blackboard.aber.ac.uk>
2. Sicrhewch fod yr ymgeiswyr wedi gwirio'r enw defnyddiwr a'r cyfrinair iawn a'u teipio'n gywir.
3. Gofynnwch i'r ymgeisydd gau'r porwr gwe i lawr yn llwyr (nid lleihau) yna ailgychwyn a cheisio cyflwyno eto.
4. Os nad ydy'r uchod yn gweithio, dylai ymgeiswyr e-bostio eu papur gorffenedig i [ysgoloriaethau@aber.ac.uk](mailto:ysgoloriaethau@aber.ac.uk) – tra'ch bod yn gwyllo. Gwnewch yn siŵr bod pob papur yn cael ei labelu gydag enw a phwnc y myfyriwr e.e. Evans Sam Bioleg

#### **Beth pe bai ymgeisydd yn absennol ar gyfer un arholiad neu fwy?**

Rhowch wybod i ni drwy [e-bost](#) os oedd unrhyw ymgeisydd yn absennol ar gyfer un arholiad neu fwy.

#### **Canllawiau a Pholisïau a allai fod yn ddefnyddiol:**

[Canllawiau Arholiadau i Ymgeiswyr](#)

[Polisi ar wneud addasiadau rhesymol i ymgeiswyr sy'n sefyll yr Arholiadau](#)

[Polisi ar Ymddygiad Academiaidd da ac annheg ar gyfer yr Arholiadau](#)

#### Gwybodaeth bellach:

Diolch yn fawr iawn am eich cymorth gyda'r trefniadau arholiadau. Os oes gennych unrhyw gwestiynau, ewch i [dudalen gwe'r Arholiadau](#) neu cysylltwch â'r Tîm Ysgoloriaethau trwy [ysgoloriaethau@aber.ac.uk](mailto:ysgoloriaethau@aber.ac.uk)